

Na osnovu člana 18. stav 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95 i 19/03), člana 33. st. 2. i 3. Zakona o privatizaciji preduzeća ("Službene novine Federacije BiH", br. 27/97, 8/99, 32/00, 45/00, 54/00, 60/01, 27/02, 33/02 i 44/04) i člana 14. st. 1. i 2. Zakona o privatizaciji banaka ("Službene novine Federacije BiH", br. 12/98, 29/00, 37/01 i 33/02), Vlada Federacije Bosne i Hercegovine donosi

ODLUKU
O NAČINU DEPONOVANJA I KORIŠTENJA NOVČANIH SREDSTAVA
OSTVARENIH PRODAJOM PREDUZEĆA I BANAKA NA TERITORIJI
FEDERACIJE BOSNE I HERCEGOVINE

I

Ovom odlukom utvrđuje se način deponovanja i korištenja novčanih sredstava ostvarenih prodajom preduzeća i banaka na Hercegovine (u daljem tekstu: Federacija) iz nadležnosti Agencije za privatizaciju u Federaciji Bosne i Hercegovine i kantonalnih agencija (u daljem tekstu: federalna i kantonalna agencija za privatizaciju).

II

Novčana sredstva ostvarena po osnovu prodaje banaka i prodaje preduzeća federalnog značaja, izuzimajući dio sredstava namijenjen za finansiranje Federalne Agencije za privatizaciju, a na koja je Vlada Federacije Bosne i Hercegovine (u daljem tekstu: Vlada Federacije BiH) dala saglasnost, uplaćuju se na depozitni račun budžeta Federacije.

Novčana sredstva ostvarena prodajom preduzeća od kantonalnog značaja, izuzev dijela sredstava namijenjenih za finansiranje kantonalnih agencija za privatizaciju, a za koja su saglasnost dale vlade kantona, uplaćuju se na depozitni račun budžeta kantona.

Banke kod kojih se vode depozitni računi budžeta Federacije, odnosno budžeta kantona dužne su sredstva iz st. 1. i 2. ove tačke, u skladu sa ugovorom iz tačke IV ove odluke usmjeriti na posebne ESCROW transakcijske račune.

Prilikom uplate sredstava iz tačke 1. ove odluke platni nalog mora da sadrži vrstu prihoda propisanih u Pravilniku o načinu uplate javnih prihoda proračuna i vanproračunskih fondova na teritoriji Federacije Bosne i Hercegovine ("Službene novine Federacije BiH", br. 60/01, 7/02, 9/02, 17/02, 27/02, 66/02, 22/03, 37/03, 8/04, 14/04 i 47/04), a koja se odnose na prihode od privatizacije banaka i preduzeća. Na osnovu naznačenih prihodovnih konta na platnom nalogu depozitne banke isti dan prikupljena sredstva prenose na poseban ESCROW transakcijski račun.

III

Federalno ministarstvo finansija-Federalno ministarstvo financija i kantonalna ministarstva finansija će u roku od 10 dana, od dana objavljivanja ove odluke u "Službenim novinama Federacije BiH" sklopiti nove ugovore sa komercijalnim bankama u kojima imaju otvorene ESCROW račune, o transformaciji ovih računa u posebne ESCROW transakcijske račune, koji će biti u sastavu Jedinstvenog računa trezora sa

važenjem tih ugovora od 01.01.2005. godine.

Ugovorom iz stava 1. ove tačke treba regulisati da se zatečena salda na ES CROW računima moraju prethodno uplatiti na depozitne račune budžeta Federacije i kantona uz obavezno popunjavanje platnih naloga na način iz stava 4. tačke II ove odluke, a depozitne banke će ova sredstva prenijeti na posebne transakcijske ESCROW račune u sastavu Jedininstvenog računa trezora.

IV

Novčana sredstva ostvarena sukcesijom, prodajom banaka i preduzeća od federalnog značaja, u skladu sa Budžetom Federacije i Zakonom o izvršenju budžeta, koristit će se za izmirenje unutrašnjeg duga Federacije koji se odnosi na gotovinske isplate predviđene Zakonom o utvrđivanju i načinu izmirenja unutrašnjih obaveza Federacije Bosne i Hercegovine i drugim propisima.

Novčana sredstava ostvarena prodajom preduzeća od kantonalnog značaja, kantoni će koristiti prvenstveno za izmirivanje unutrašnjeg duga kantona, a eventualni ostatak raspoloživih sredstava kantoni mogu koristiti za investicije.

Raspolaganje sredstvima na način iz stava 2. ove tačke može se vršiti tek nakon donošenja odgovarajućih propisa od strane kantona.

Federalno i kantonalna ministarstva vodit će evidenciju o prikupljanju i raspolaganju sredstvima na posebnom ESCROW transakcijskom računu u Glavnoj knjizi trezora.

V

Federalna i kantonalne vlade sa "ESCROW" računa, uplaćuju 20% novčanih sredstava ostvarenih prodajom preduzeća Fondu za penzijsko i invalidsko osiguranje radi sanacije i osiguranja osnovnog kapitala.

Ostatak novčanih sredstava na ovom transakcijskom računu prvenstveno će služiti za sanaciju unutrašnjeg duga u Federaciji.

Odluke o raspolaganju sredstvima donosi Vlada Federacije BiH, odnosno kantona, u skladu sa svojim budžetom.

Novčana sredstva ostvarena prodajom preduzeća u visini do 15% mogu se koristiti za socijalno i zdravstveno zbrinjavanje zaposlenika koji su ostali bez radnog angažmana, o čemu nadležne vlade donose odluku.

VI

Federalna i kantonalne vlade u budžetima za 2005. godinu planirat će odgovarajući iznos prihoda po osnovu novčanih sredstava ostvarenih od sukcesije, prodaje preduzeća i banaka i rashoda po ovim osnovama.

VII

Zadužuje se Federalno ministarstvo financija - finansija da izradi instrukciju kojom će regulisati pro ce dure za procesiranje transakcija na posebnim ESCROW transakcijskim računima u okviru Jedininstvenog računa trezora.

VIII

Danom stupanja na snagu ove odluke prestaje da važi Odluka o načinu raspolaganja novčanim sredstvima ostvarenim prodajom preduzeća i banaka na teritoriji Federacije Bosne i Hercegovine ("Službene novine Federacije BiH" br. 28/02 i 8/04).

IX

Ova odluka stu pa na snagu narednog dana od dana objave u "Službenim novinama Federacije BiH", a primjenjivat će se od 01.01.2005. godine.